


NUAIR ATÁ MADRA AGAT:**Déan iad seo a leanas**

Glan suas i ndiaidh do mhadra má shalann sé in áit poiblí.
 Bíodh ceadúnas cothrom chun dáta agat dod' mhadra.
 Cuir micrishlis i do mhadra agus cláraigh é.
 Coinnigh do mhadra faoi smacht i gcónaí.
 Bí ar an eolas faoi cad a theastaíonn ó do mhadra.
 Déan cinnte go bhfuil coiléar agus diosca nó clib le do shonraí teagmhála air ar do mhadra i gcónaí.
 Bíodh do mhadra coillte nó neodraithe mura bhfuil sé ar intinn agat iad a phórú.
 Bíodh do mhadra vacsaínithe agus bí cinnte go bhfuil ábhar péiste tugtha dod' mhadra go rialta.

Ná déan iad seo a leanas

Déan faillí ar do mhadra.
 Tabhair cead dod' mhadra cur as dod' chomharsanacht.
 Tabhair cead dod' mhadra an iomarca tafainn a dhéanamh.

Cuirfead An Garda Síochána ar an eolas faoi aon fhianaise chruálachta do mhadraí.



D'FHÍOSRÚCHÁIN AR BÍTH A BHÁINEANN LE RIALÚ MADRAÍ TÉIGH I DTEAGMHÁIL LE:

Seirbhís Maorachta Madraí

Comhairle Contae Mhaigh Eo,
 Áras an Chontae,
 Caisleán an Bharraigh.



Teil: 094 9024444.

R-phost: vetinfo@mayococo.ie

Suíomh: www.mayococo.ie

CONAS A BHEITH I D'ÚINEIR MADRA NÍOS FEARR



TREOIR MAIDIR LE CONAS A BHEITH I D'ÚINEIR NÍOS FEARR AR MADRA

Tá an bhleog eolais seo curtha le chéile ag Comhairle Contae Mhaigh Eo chun cabhrú leat aire a thabhairt dod' mhadra ar bhealach freagrach.

CEADÚNAIS MADRAÍ

Ní mór go mbeidh ceadúnas ag úinéirí do gach madra acu atá os cionn ceithre mhí d'aois, agus athnuachan a dhéanamh ar na ceadúnais seo gach bliain.. Cosnaíonn ceadúnais €20.00 agus is féidir iad a cheannach ar líne ag www.mayococo.ie/ga nó ó oifig an phoist. Caithfidh tú a bheith os cionn 16 bliain d'aois chun ceadúnas madra a fháil.

Is féidir le húinéirí ceadúnas shaolré madra a cheannach chomh maith. Tá an ceadúnas seo bailí ar feadh shaolré an mhadra, ar costas €140. Ní dhéanfar an ceadúnas a aisíoc ná a aistriú, agus tá sé ar fáil ar líne ag www.mayococo.ie/ga.

Má choinníonn tú sé mhadra bhaineanna nó níos mó, atá os cionn sé mhí d'aois agus atá in ann pórú, ní mór duit clárú le Comhairle Contae Mhaigh Eo faoin Acht um Bunachais Pórúcháin Madraí, 2010, a tháinig i bhfeidhm in 2012. Déan teagmháil leis an Maor Madraí chun tuilleadh eolais a fháil.

SALÚ MADRAÍ


Faoin Acht um Thruailliú ó Bhruscar, 1997, tá dualgas dleathach ar úinéirí madraí salú a madra a ghlanadh má tharlaíonn sé in áiteanna poiblí, m.sh. ar an tsráid, faiche spóirt, talamh scoile, trá nó i bpáirc. Baol don tsláinte is ea faecas madra agus bíonn sé ina chúis le hionfhabhtú ar a dtugtar tocsacáiríais agus is féidir le daoine an t-ionfhabhtú seo a tholgadh trí bheith i dteagmháil le faecas éillithe. Is tinneas tromchúiseach é Tocsacáiríais Daonna agus d'fhéadfadh tú neamhord súile a fháil as agus daille fiú.

Gearrtar fíneáil ar an láthair **€150** ort nó uasfhíneáil **€3,000** sa chás go ndéanfar

**GLAN SUAS
I NDAIDH
DO MHADRA**



Uasfhíneáil €3000



tú a chiontú sa Chúirt Dúiche. Tá fáil ar líon teoranta de shluaistín caca ó Roinn Comhshaoil Chomhairle Contae Mhaigh Eo. Is féidir sluaistín caca a cheannach i bhformhór siopaí crua earraí agus peataí.

DO MHADRA A CHOIMEÁD FAOI SMACHT

Ceanglas dleathach is ea do mhadra a choimeád faoi smacht i gcónaí faoin Acht um Rialú Madraí 1986. Is féidir le madraí a fhágtar gan smacht a bheith dainséarach do dhaoine, ainmhithe eile agus iad féin.

TUAIRSCIÚ MADRAÍ GAN IARRAIDH AGUS MADRAÍ ATÁ AG FÁNAÍOCHT

Má bhíonn madraí ag fánaíocht i do cheantar téigh i dteagmháil le Seirbhís Maorachta Madraí de chuid Chomhairle Contae Mhaigh Eo. Coimeádfar na madraí sa Phóna ar feadh chúig lá. Mura fhaightear úinéir an mhadra faoin am sin déanfaidh Comhairle Contae Mhaigh Eo dianiarracht baile nua a fháil don madra.

Má chaill tú do mhadra téigh i dteagmháil leis an tSeirbhís Maorachta Madraí chun cabhrú leat do mhadra a fháil ar ais. Chabhróidh grianghraif go mór leis an tseirbhís agus iad ag cuardach do mhadra agus is féidir é seo a sheol chucu trí ríomhphoist.

BAILE NUA A THABHAIRT DO MHADRA

Má tá tú ag iarraidh baile nua a thabhairt do mhadra téigh i dteagmháil le Seirbhís Maorachta Madraí Chomhairle Contae Mhaigh Eo. Faraor tréigtear a lán madraí gach uile bhliain agus tá baile nua de dhíth go mór orthu.

COILLEADH/NEODRÚ

Is iad coilleadh agus neodrú na gnáthaimh mháinliachta a dhéantar le stop a chur le madraí coileáin a thabhairt ar an saol. Cuirfidh sé seo cosc leis na mílte coileán nach dteastaíonn a chuir síos gach uile bhliain. Is féidir le do thréidlia áitiúil an gnáthamh a dhéanamh.

MICRISHLISEANNA AGUS AITHEANTAS

De réir na Rialachán um Micrishliseadh Madraí, 2015, tá ceanglas dlíthiúil ar úinéirí madraí micrishlis a chur ina madra(i) agus na sonraí teagmhála a chlárú ar bhunachar sonraí um aitheantas madraí atá údaraithe ag an Rialtas. Ní mór Teastas Clárúcháin a bheith agat mar fhianaise air seo chomh maith. Tá sé in aghaidh an dlí anois úinéireacht a ghlacadh ar mhadra nó coileán nach bhfuil na socruithe seo uile curtha i gcrích dóibh. Ní mór micrishlis a bheith curtha i ngach coileán sula sroicheann siad 12 sheachtain d'aois, nó sula mbothtar ón áit a rugadh iad.

MADRAÍ SRIANTA

Ní mór féasrach a chur ar na saghsanna madraí seo a leanas i gcónaí agus iad i measc an phobail:

1. Tarbh-bhrocaire Meiriceánach.
2. lallmhadra.
3. Tarbh-mhaistín.
4. Pinséir Dobermann.
5. Tarbh-bhrocaire Sasanach.
6. German Shepard/Alsáiseach.
7. Aicíte Sheapánach.
8. Tósa Seapánach.
9. Dronnach Róidéiseach.
10. Rótvaidléir.
11. Tarbh-bhrocaire Staffordshire.
12. Crosphóru ar bith idir na madraí thuas.



Ní mór na madraí seo a choinneáil ar thréanslabhra nó ar thréaniall dhá mhéadar ar a fhaide agus a bheith faoi cheannas duine atá os cionn 16 bliana d'aois a bhfuil sé ar a gcumas an madra a choinneáil faoi smacht.